



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

A nr. 299/ 2014

Paneli Zgjedhor për Ankesa dhe Parashtrësia (PZAP), në panelin e përbërë nga gjyqtarët: Muharrem Shala kryesues, Nenad Lazić dhe Nehat Idrizi anëtarë, duke vendosur përkritazi me ankesat e Lëvizjes Vetëvendosje (LVV), paraqitur kundër subjektit politik Partia Demokratike e Kosovës (PDK), në seancën e panelit të mbajtur me 11.06.2014, mori këtë:

V E N D I M

HIDHEN si të palejuar ankesat e Lëvizjes Vetëvendosje (LVV)

A r s y e t i m

PZAP-i, me datën 09.06.2014, ka pranuar ankesat Anr.299/2014 dhe Anr.311/2014, nga LVV, me të cilën pretendohet se me datën 07.06.2014, Shaip Muja kandidat për deputet nga subjekti politik PDK, nëpërmjet sms-ve ka thyer heshtjen zgjedhore.

- Sipas ankesës Anr.299/2014, pretendohet se me datën 07 qershor 2014 aktivistit të Lëvizjes Vetëvendosje nga Qendra në Drenas Hasan Haxhiu diku rreth orës 9:20 në telefonin e tij i ka ardhur një sms për të votuar kandidatin e PDK-së Shaip Muja Me këtë rast parashtruesi i ankesës si dëshmi i ka bashkangjitur një fotografi.
- Sipas ankesës Anr.311/2014, pretendohet se me datën 07 qershor 2014 aktivistit të Lëvizjes Vetëvendosje nga Qendra në Deçan Skender Zajmi diku rreth orës 9:21 në telefonin e tij i ka ardhur një sms për të votuar kandidatin e PDK-së Shaip Muja Me këtë rast parashtruesi i ankesës si dëshmi i ka bashkangjitur një fotografi

Paneli i PZAP-it në bazë të nenit 6.3 të Rregullave dhe Procedurave të PZAP-it, ka vendosur të bashkon ankesat e lartcekura dhe ti trajton si një ankesë për shkak të natyrës së njëjtë të rasteve dhe pretendimeve, dhe për të gjitha të vendos me një vendim për shkak të efikasitetit dhe ekonomizimit të procedurës.

PZAP-i, pas shqyrtimit të lejshmërisë së ankesës gjeti se:

Ankesa është e palejuar

PZAP-i, pasi që shqyrtoi dhe analizoi ankesat në fjalë gjeti se për këtë çështje PZAP-i ka vendosur më parë me vendimin e tij Anr. 236/2014 të datës 08.06.2014, të parashtruar me ankesë në PZAP nga Lidhja Demokratike e Kosovës (LDK), kundër Partisë Demokratike të Kosovës (PDK). Andaj meqenëse për të njëjtën çështje është vendosur në vendimin e lartcekur paneli vendosi që ankesat në fjalë ti hudhë si të palejuara.

PZAP-i, duke u bazuar në arsyet e cekuar më lartë e po ashtu në pajtim me dispozitat e nenit 4.2 të Rregullave dhe Procedurave të PZAP-it ,si dhe në kuptim të nenit 115 paragrafi 1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrës

A nr. 299/2014 më datën 11.06.2014.

**Kryesuesi i Panelit
Muharrem Shala**



PZAP nuk do t'i pranojë kërkesat për ri-apelim, sepse vendimet e tij do të konsiderohen si përfundimtare. Prandaj, siç parashihet në Nenin 118.4 të LZP-së, *ankesa në Gjykatën Supreme të Kosovës mund të paraqitet brenda njëzetekatër (24) orëve nga momenti i marrjes së vendimit nga PZAP-i,*